

Rekursu Prevensaun Programa Nabilan Nian

FOLLA INFORMATIVA 4. APROSIMASAUN BAZEIA-BA-EVIDÉNSIA NO MULTI-SETORÁL ATU PREVE NE VIOLÉNSIA KONTRA FETO IHA TIMOR-LESTE

Atualizado Dezembro 2016

Estudu Baze Nabilan nian subliña ona fatór hirak-ne'ebé iha asosiasaun forte liu hotu ho feto sira-nia esperiénsia, no mane sira-nia asaun, hosi violénsia parseiru íntimu iha Timor-Leste. Evidénsia ne'e hatudu ho klareza aproximasaun ne'ebé presiza hodi prevene efetivamente violénsia hasoru feto iha rai ne'e. Folla Informativa ne'e apresenta uluk evidénsia kona-ba fatór asociadu ho violénsia hasoru feto sira iha Timor-Leste depois explora hela solusaun bazeia-ba-evidénsia no multi-setorál iha nivel hotu hosi Modelu Ekolójiku .

Evidénsia husi Estudu Baze Nabilan nian:

Informa aproximasaun multi-setorál atu hapara violénsia:

Fatór risku relasiona ho protesau labarik:

- **Feto** ne'ebé hetan **abuzu fíziku** bainhira sei labarik iha probabilidade **dala 2,5** aas liután atu esperiénsia violénsia husi sira-nia la'en/namoradu
- **Feto** ne'ebé hetan **abuzu seksuál** bainhira sei labarik iha probabilidade **dala 3,5** aas liután atu esperiénsia violénsia husi sira-nia la'en/namoradu
- **Feto** ne'ebé hetan **abuzu emosionál** bainhira sei labarik iha probabilidade **dala 1,5** aas liután atu esperiénsia violénsia husi sira-nia la'en/namoradu
- **Feto** ne'ebé **haree** nia inan kona abuzu bainhira sei labarik iha probabilidade **dala 1,7** aas liután atu esperiénsia violénsia husi sira-nia la'en/namoradu
- **Mane** ne'ebé hetan **abuzu fíziku** bainhira sei labarik iha probabilidade **dala 2** aas liután atu halo violénsia kontra sira-nia feen/namorada
- **Mane** ne'ebé hetan **abuzu seksuál** bainhira sei labarik iha probabilidade **dala 2** aas liután atu halo violénsia kontra sira-nia feen/namorada



Apoia infánsia livre hosi violénsia no abuzu

Fatór risku relasiona ho atitude sira:


- **Feto** ne'ebé **konkorda** ho pelumenus **justifikasaun** ida ba la'en/parseiru atu **baku nia feen** iha probabilidade **dala 2,5** aas liután atu esperiénsia violénsia husi sira-nia la'en/namoradu
- **Mane** ne'ebé **konkorda** ho pelumenus **justifikasaun** ida ba la'en/parseiru atu **baku nia feen** iha probabilidade **dala 2,5** aas liután atu halo violénsia kontra sira-nia feen/namorada



Muda norma sosial sira ne'ebé normaliza violénsia kontra feto

Fatór risku relasiona ho karakterístika relasaun:

- **Feto** ho la'en ne'ebé iha **liu feen ida-de'it** iha tempu hanesan iha probabilidade **dala 2** aas liután atu esperiénsia violénsia husi sira-nia la'en
- **Feto** ho la'en/namoradu ne'ebé hatudu **hahalok kontrolu** iha probabilidade kuaze **dala 2** aas liután atu esperiénsia violénsia husi sira-nia la'en/namoradu
- **Feto** ho la'en/namoradu ne'ebé **halo relasaun namora ho feto seluk** iha probabilidade kuaze **dala 3** aas liután atu esperiénsia violénsia husi sira-nia la'en/namoradu



Promove relasaun ne'ebé igual no respeita malu

Fatór risku relasiona ho mane sira-nia partisipasaun iha violénsia iha uma nia li'ur:

- **Feto** ho la'en/namoradu ne'ebé hola parte iha **violénsia iha tempu saida de'it ho mane sira-seluk** iha probabilidade **dala 2** aas liután atu esperiénsia violénsia husi sira-nia la'en/namoradu
- **Mane** ne'ebé hola parte iha **istori-malu ho sasán-kro'at** iha tempu saida de'it iha probabilidade **dala 4** aas liután atu halo violénsia kontra sira-nia feen/namorada



Promove idea katak atu sai mane la presiza sai violentu

Fatór risku relasiona ho mane sira-nia prátika seksuál:

- **Mane** ne'ebé hola-malu ho **parseiru seksuál barak liu 4** iha sira-nia moris tomak iha probabilidade **uitoan tan** atu halo violénsia kontra sira-nia feen/namorada
- **Mane** ne'ebé halo **seksu tranzasionál ka komersial** iha sira-nia moris iha probabilidade **dala 2** aas liután atu halo violénsia kontra sira-nia feen/namorada



Promove respeitu no konsentimentu iha relasaun seksuál

Fatór risku relasiona ho mane sira-nia saúde mental:

- **Mane** ne'ebé iha sintoma trauma iha probabilidade **dala 2** aas liután atu halo halo violénsia kontra sira-nia feen/namorada



Apoia mane sira atu buka tulun ba trauma hosi pasadu

HAPARA VIOLÉNSIA HASORU FETO NO LABARIK

KRIA TIMOR-LESTE NE'EBÉ IHA ONA IGUALDADE JÉNERU

Halo mapa ba solusaun bazeia-ba-evidénsia ba violénsia hasoru fetu iha Timor-Leste, hakat Modelu Ekolójiku tomak:

Matrix ida ne'e hatudu ezemplu balun kona-ba tipu aprosimasaun bazeia-ba-evidénsia no multi-setorál ne'ebé organizesaun sira bele uza atu prevene violénsia kontra fetu no labarik iha Timor-Leste.

	Abordajen sira iha nivel individuál	Abordajen sira iha nivel família	Abordajen sira iha nivel comunidade	Abordajen sira iha nivel sosiedade
Apoia infánsia ne'ebé livre husi violénsia no abuzu	Hanorin labarik sira kona-ba sira-nia direitu ba sira-nia isin-lolon rasik	Implementa programa parentalidade positiva hodi harii kompeténsia atu uza métodu dixiplina ne'ebé pozitivu	Garante katak ambiente eskola promove dezvoltimentu no livre husi violénsia	Promove implementasaun lei sira ho rigorozu liu hodi proteje labarik sira hasoru violénsia no abuzu
Muda norma sosiál sira ne'ebé normaliza violénsia kontra fetu	Enkoraja individuú sira hodi relata violénsia ne'ebé sira haree ka hetan	Fasilita diskusaun ho feen-la'en no família kona-ba benefísiu ba família tomak bainhira laiha violénsia	Muda norma sira iha comunidade kona-ba aseitasaun ba violénsia	Enkoraja Governu atu aumenta finansiamentu hodi prevene violénsia kontra fetu
Promove relasaun ne'ebé igual no respeita malu	Orienta individuú sira hodi analiza oinsá sira uza sira-nia poder rasik	Promove prátika hodi fahe tarefa sira iha uma-kain no prosesu foti desizaun entre mane no fetu	Serbisu ho lider relijiozu lokál no xefe suku sira hodi fahe lia-menon kona-ba ekuidade no respeitu iha relasaun	Implementa programa formasaun regulár ba polisia, juis no atór jurídiku kona-ba igualdade jéneru
Promove ideia katak atu sai mane la prezisa sai violentu	Fó formasaun ba mane sira kona-ba kontrola hirus	Implementa programa sira kona-ba rezolusaun sein violénsia iha uma laran	Fasilita diskusaun entre mane sira iha comunidade kona-ba oinsá mane sira bele uza meius sein violénsia	Halo promosaun ba média hodi apresenta modelu/ezemplu mane ne'ebé pozitivu liu no naun-violentu iha televizaun no filme sira
Promove respeitu no konsentimentu iha relasaun seksuál	Harii foin-sa'e sira-nia kompeténsia hodi hatete 'lae,' bainhira sira la fó konsentimentu ba relasaun seksuál	Fó orientasaun ba inan-aman kona-ba oinsá bele ko'alia ho sira-nia oan kona-ba konsentimentu	Garante katak eskola sira implementa kurríkulu edukasaun seksuál ne'ebé abranjente kona-ba konsentimentu no respeitu	Promove implementasaun lei sira ho rigorozu liu kona-ba violasaun seksuál entre la'en-feen
Apoia mane sira atu buka tulun ba trauma hosi pasadu	Enkoraja mane sira ne'ebé hetan sintoma trauma atu buka tulun	Haree ema sira-nia kompeténsia atu identifika bainhira sira-nia kolega ka membru família dala ruma hetan sintoma trauma	Garante katak informasaun kona-ba servisu akonsellamentu sira sei disponivel iha comunidade no taka iha fatin públika ne'ebé mane sira provavelmente sei haree	Promove dezvoltimentu servisu saúde mentál ba mane sira

Atu hatene informasaun liután kona-ba Rekursu Prevensaun ne'e, kontaktu ba:

Xian Warner | Koordinador Prevensaun, Programa Nabilan: Hapara Violénsia hasoru Fetu
Fundasaun Ázia | Xian.warner@asiafoundation.org | +670 331-3457